



Årsplan barnehagane 2025/2026



Robuste barn i leikande omgjevnader

Innhold

Rammar for årsplanen	2
Barnehagens visjon	2
Om barnehagane	3
Valle barnehage.....	3
Hylestad barnehage.....	3
Hylestad Barnehage ligg ved Rv9 på Nomeland. Den har to avdelingar.	3
Slik gjer me det.....	4
Arbeidsmetode	4
Tilvenning	4
Overgang til stor avdeling	4
Overgang til skulen	5
Utviklingsarbeid og satsingsområde	6
Helsefremjande skuler og barnehagar.....	6
Leik	6
REKOMP	6
Stine Sofie barnehagepakke	6
 Årshjul	
Merkedagar	9
Tv-aksjonen	9
Joleaktivitetar	9
Brannvernveka	9
Førstehjelpsveke.....	9
Karneval	9
Ski og aktivitetsdag	9
Påskefrukost	9
Ryddedag	10
Politiveke.....	10
Barnehagedagen	10



Rammar for årsplanen

Barnehagen skal utarbeide en årsplan. I tillegg skal det utarbeides planer for kortere og lengre tidsrom og for ulike barnegrupper etter behov. Årsplanen er et arbeidsredskap for barnehagepersonalet og dokumenterer barnehagens valg og begrunnelser. Årsplanen kan gi informasjon om barnehagens pedagogiske arbeid til myndighetsnivåene, barnehagens samarbeidsparter og andre interesserte.

Styreren skal lede prosessen med å utarbeide årsplanen. Årsplanen skal fastsettes av barnehagens samarbeidsutvalg. Årsplanen skal vise hvordan barnehagen vil arbeide for å omsette rammeplanens formål og innhold og barnehageeierens lokale tilpasninger til pedagogisk praksis. Årsplanen skal blant annet vise hvordan barnehagen arbeider med omsorg, lek, danning og læring. Her må også progresjon tydeliggjøres. Det skal synliggjøres hvordan barns og foreldres medvirkning bringes inn i planleggingsarbeidet og hvordan barnehagen vurderer sitt pedagogiske arbeid. Det skal også fremkomme hvordan barnehagen arbeider med tilvenning av nye barn og ivaretar samarbeid og sammenheng med skolen.

(Hentet fra [Årsplan | udir.no](https://www.udir.no/arsplan))

Barnehagens visjon

Robuste barn i leikande omgjevnadar er visjonen til barnehagane i kommunen. For dei tilsette i barnehagen betyr det at barna i barnehagane skal få ein kvardag der dei får moglegheit til å bolte seg, vere sjølvstendige og bli anerkjent. Me ser viktigheita av at barna får bruke leiken til å lære seg å manøvrere seg i verda. Me ser også korleis barn lærar ved å få prøve sjølv, dette bidreg til å bygge sjølvbilde og sjølvtilitt. Me ynskjer at barna i barnehagen skal ha sjølvtilitt til å møte dei utfordringane som kjem. Barna skal møte utfordringar også i barnehagen, men i trygge omgjevnadar og med god støtte.

I Valle og Hylestad barnehage

- Får barn vere barn
- Er leiken utgangspunktet for læring
- Får barna møte utfordringar i trygge omgjevnadar
- Får barna vere sjølvstendige og utvikle seg i sitt tempo
- Får barna oppleve anerkjennelse og bygger eit godt sjølvbilde
- Blir barna rusta til å møte framtida slik den er

Om barnehagane

Valle kommune har to kommunale barnehagar, Hylestad barnehage og Valle barnehage. Opningstida for begge barnehagane er 07.00 – 16.00. Barnehagane har stengt tre veker på sommarstid.

Valle barnehage

Valle barnehage ligg ved skulen i Valle. Den har tre aldersinndelte avdelingar.

Lislestog

Lislestog er ei småbarnsavdeling med aldersgruppa 1-2 år. Småbarnsavdelinga er eit trygt og stimulerande miljø for dei yngste barna i barnehagen. Her fokuserer me på å skape ein varm og omsorgsfull atmosfære der barna kan utvikle seg gjennom leik og samspel. Me legg vekt på å tilpasse aktivitetar til barnas individuelle behov og utviklingsnivå.

Nyestog

Nyestog er ei mellomavdeling for 3-åringane. Mellomavdelinga er eit trygt og stimulerande miljø for treåringane i barnehagen. Me legg stor vekt på fysisk utfaldelse og tilpassar aktivitetar til barnas individuelle behov og utviklingsnivå.

Gamlestog

Gamlestog er ei avdeling for aldersgruppa 4-5 år. Avdelinga har eit trygt og stimulerande miljø der fysisk aktivitet, leik og læring er i fokus. Me legg stor vekt på å fremje robuste barn gjennom utfordrande og leikande omgjevnadar. Barna får utfalde seg fysisk og utvikle sosiale og emosjonelle ferdigheiter gjennom variert leik og læringsaktivitetar.

Hylestad barnehage

Hylestad Barnehage ligg ved Rv9 på Nomeland. Den har to avdelingar.

Attistog

Attistog er ei småbarnsavdeling med aldersgruppa 1-3 år. Småbarnsavdelinga er eit trygt og stimulerande miljø for dei yngste barna i barnehagen. Her fokuserer me på å skape ein varm og omsorgsfull atmosfære der barna kan utvikle seg gjennom leik og samspel. Me legg vekt på å tilpasse aktivitetar til barnas individuelle behov og utviklingsnivå.

Systog

Systog er ei avdeling for aldersgruppa 4-5 år. Her er det eit trygt og stimulerande miljø der fysisk aktivitet, leik og læring er i fokus. Me legg stor vekt på å fremje robuste barn gjennom utfordrande og leikande omgjevnadar. Barna får utfalde seg fysisk og utvikle sosiale og emosjonelle ferdigheiter gjennom variert leik og læringsaktivitetar.



Slik gjer me det

Arbeidsmetode

Barnehagen vil fortsetje med å arbeide prosjektbasert. Målet med prosjektarbeid er at alle barn skal oppleve å ha reell innflytelse og påvirkningskraft på eigen kvardag i barnehagen.

- Barna tek stor del i utvikling og utforming av prosjektet si retning.
- Prosjektarbeid er knytt til eit arbeid med eit tema eller eit fenomen der målet er å skape ein arena for utforsking, fordjuping og forståing.
- I arbeidet har barnas nysgjerrigheit og medverking ein sentral plass, og barns lyst til å undersøke og utforske skal ha betydning for pedagogiske val.
- Barna oppdagar noko dei blir opptatt av, noko utanfor dei sjølv, noko som samlar dei. Det oppstår ein møteplass. Nokon gonger utløyser slike møteplassar fysisk aktivitet, andre gonger leik, nokon gonger refleksjon, andre gonger glede og humor. Ofte blandast alt dette saman.

Tilvenning

Under tilvenninga skal barnehagen, i samarbeid med foreldra, leggje til rette for at barnet får ein trygg og god start.

- Me startar tidleg med å sende ut informasjon til foreldre/føresette om barnehagen, besøksdagar og korleis tilvenninga vil bli gjennomført.
- Det blir lagt opp til dialog mellom partane, og me utarbeider ein plan for korleis tilvenninga best kan tilpassast kvart enkelt barn. Ved oppstart vil barnet få tildelt ein tilknytingsperson som skal vere hovedkontakt med barn og foreldre i tilvenningsfasen

Overgang til stor avdeling

Barnehagen skal sørge for at barnet og foreldra får tid og rom til å bli kjende med andre barn og anna personale når barnet byter avdeling.

- I mai byrjar me med regelmessig besøk til den avdelinga dei skal over på saman med ein trygg vaksen.
- Foreldremøte i juni med informasjon om ny avdeling.
- Samtale i august om korleis overgangen gjeng.



Overgang til skulen

Overgang til skulen er beskriven i ein eigen plan utarbeida i samarbeid med skulen. Men under er eit enkelt årshjul som beskriver nokon av aktivitetane som førskulen har på programmet.

	OKTOBER	NOVEMBER	DESEMBER	JANUAR
AKTIVITETTREFF	Besøk til SFO	Førskulen og 1.klasse treffes i Valle Bhg	Besøk til 1.klasse	Besøk til skulen
MØTER	Foreldre-samtaler			Informasjonsmøte for føresette til føreskule-gruppa, på skulen.

	FEBRUAR	MARS	APRIL	MAI	JUNI
AKTIVITETTREFF	Besøk til 1.klasse og SFO	Skitur i Brokke	Besøk til skulen/fadder	Besøk til skulen/fadderBesøk til 1.klasse	Prøveskule Avslutnings-fest
MØTER			Foreldre-samtaler		Foreldremøte

Utviklingsarbeid og satsingsområde

Helsefremjande skuler og barnehagar

Helsefremjande skuler og barnehagar er eit prosjekt i regi av Agder fylkeskommune og i samarbeid med 18 andre kommunar i Agder. Målet for prosjektet er å betre levekår og utjamne sosiale forskjellar blant barn og unge. I Valle kommune er utgangspunktet for prosjektet fysisk aktiv læring. Dette er eit felles utgangspunkt for både skule og barnehagen. For barnehagen sin del vil mykje av læringa skje gjennom leiken. Prosjektet skal bidra til at barna i kommunen kjem seg endå meir i aktivitet og endå meir ut. Prosjektet vil vere ein del av og utgangspunktet for mykje av den pedagogiske verksemda dette barnehageåret.

Leik

Barn skal få vere barn og for at dei skal få lov til dette er det viktig å ikkje bagatellisere leikens eigenverdi. Leiken er ein viktig bidragsytar til utvikling og læring, utan å ha dette som føremål. Gjennom leiken får barna lov til å utvikle sin sosiale kompetanse gjennom praktiske erfaringar og lystprega aktivitetar. Leiken er viktig for barnas motoriske utvikling og kan vere eit godt hjelpemiddel i læringssamanheng.

I barnehagen skal barna få moglegheit til å leike fritt og på eige initiativ, men dei skal også få erfaring med å delta i leik i regi av vaksne eller andre barn. Gjennom leiken bygger barna sjølvfølelse og sjølvtilit som dei treng seinare i livet. Leik i alle sine

formar er vesentleg for at barn skal utvikle seg til å bli sjølvstendige og robuste.

Me arbeidar også aktivt med vennskap som tema. Me ser verdien av å tilhøyre ei gruppe og ha minst ein god ven. Dette er noko me arbeidar aktivt for å få til. Stort sett gjeng dette av seg sjølv, men barnehagen er der som støtte om det skulle vere utfordrande for barnet.

REKOMP

Sikre felles kunnskapsgrunnlag om inkluderande læringsmiljø og praksis i PPT, barnehage, grunnskule og SFO. Sikre tidleg identifisering av og støtte til barn og unge med behov for tidleg intervensjon for å førebyggje og handtere evt. utfordringar tidleg. Iverksette tiltak/aktivitet og program (verktøy) som fremjar sosial inkludering og utviklar eit støttande fellesskap- trygt og godt læringsmiljø. Etablere rutine for samarbeid med foreldre, barnehage, skule, PPT, helse og andre relevante aktørar for å sikre målretta arbeid i laget kring barnet og støtte ulike behov. Kompetanseheving for alle tilsette i samarbeid med Bykle kommune og UIA.

Stine Sofie barnehagepakke

Stine Sofie Barnehagepakke er eit opplæringsprogram for barnehagetilsette om vald og overgrep mot barn. Programmet skal styrkje dei tilsette til å sjå og handle dersom dei er bekymra for eit barn (Henta frå Stine Sofie Barnehagepakke - Stine Sofies Stiftelse)

Det eksisterer flere barrierer som hindrar barnehagetilsette i å handle ved bekymring for eit barn. Derfor må dei settast i stand til å identifisere når eit barn er utsett for vald eller overgrep, og handle på bakgrunn av denne kunnskapen.

I Valle og Hylestad barnehagar betyr dette at me har ei arbeidsgruppe som utarbeider eit årshjul knytt til denne pakka. Grunnen til dette er for å sikre stadig påfyll av kompetanse knytt til temaet vald og overgrep mot barn. Valle og Hylestad barnehagar ynskjer å ta dette på alvor og ha tilsette som har kunnskap knytt til å gjenkjenne og hjelpe barn i slike situasjonar.



Årshjul

	JULI	AUGUST	SEPTEMBER	OKTOBER	NOVEMBER	DESEMBER
AKTIVITET	3 veker ferie	Oppstart Tilvenning	Brannvern-veke	TV-Aksjonen		Jole-aktivitetar. Baking, Nissefest, Lucia m.m.
MØTER		Oppstart-samtaler	Foreldre-temamøte	Foreldre-samtaler		
PLANDAG		11.-12. Aug (Stengt)			7. nov (Stengt)	
STINE SOFIE BHG PAKKE					Flip samling	

	JANUAR	FEBRUAR	MARS	APRIL	MAI	JUNI
AKTIVITET	Førstehjelp-veke	Fastelavn Karneval Samefolkets dag Skidag	Bhg dagen Påske-frukost		Politiveke 17.Mai Ryddedag	
MØTER				Foreldre-samtaler		Foreldre-møte Foreldre-kaffe
PLANDAG	2. januar (Stengt)				15. Mai (Stengt)	
STINE SOFIE BHG PAKKE	Flip samling			Flip samling		

Merkedagar

Tv-aksjonen

TV-aksjonen er ei årleg norsk innsamlingsaksjon som støttar gode føremål. Barnehagen bidreg ved å arrangere ein innsamlingsdag på ettermiddagen, der me sel ulike ting som barna har laga, samt lapskaus. Dette skapar engasjement kring viktigheita av å hjelpe andre, samstundes som barna får oppleve glede ved å medverke til ei god sak.

Joleaktivitetar

I desember set me fokus på den gode jolestemninga med variera aktivitetar. Barna får delta på joleverkstad, og me har ein jolekalender på kvar avdeling kvar dag. Me arrangerer bakedagar der me lagar lussekattar og småkaker, og feirar Lucia med song og ljós. Me har også ein nissefest der barna får nissegraut og Nissen kjem på besøk.



Brannvernveka

For å lære barna viktige prinsipp for branntryggleik, brukar me opplegget med Brannbamsen Bjørnis. Me får besøk av brannvesenet, som syner oss korleis dei arbeider og lærer barna grunnleggjande brannførebuing på ein engasjerande måte.

Førstehjelpsveke

Gjennom førstehjelpsveka får barna ei innføring i førstehjelp på ein trygg og forståeleg måte. Me brukar førstehjelpsbamsen Henry til å lære barna enkle førstehjelpstiltak, slik at dei vert medvitne om korleis ein kan hjelpe i ein naudsituasjon.

Karneval

Karnevalet er ein fargerik og kreativ dag der barna får lage eigne kostyme knytt til vårens tema. Me har ei festleg feiring med musikk og dans.

Ski og aktivitetsdag

Når vinteren kjem, arrangerer me skidag og aktivitetsdag ute i barnehagen. Barna som ynskjer det, tek med ski, og me legg til rette for ulike uteaktivitetar. Me lagar mat utandørs og nyt ein dag fylt med rørsle og fellesskap.

Påskefrukost

Til påske inviterer me barn og føresette til ein hyggeleg avdelingsvis frukost i kvar barnehage. Det vert ei sosial stund med god mat og tid til samvær før påskeferien startar.

Ryddedag

Me har ein felles dugnad for å stelle uteområdet og gjere det fint før 17. mai. Barna deltek aktivt med ulike oppgåver, og me avsluttar dagen med å ete mat ute i sola.

Politiveke

Gjennom politiveka vert barna betre kjend med det viktige arbeidet til politiet. Me reiser på besøk til politistasjonen, eller me får besøk av politiet i barnehagen. Barna

får lære om tryggleik i samfunnet og korleis politiet hjelp oss i kvardagen.

Barnehagedagen

Barnehagedagen vart markera for fyrste gong i 2005. Sidan då har stadig fleire barnehagar, landet rundt, valgt å vere med på markeringa. Målet er å synleggjere kvaliteten i norske barnehagar, kvart år med nytt tema. I 2025 hadde dagen 20-årsjubileum!



Årsplan barnehagane 2025/2026



Valle kommune
Postboks 4
4746 Valle

Sentralbord: +47 37 93 75 00
E-post: post@valle.kommune.no
www.valle.kommune.no
